

四庫全書

集部

欽定四庫全書

集部

御選歷代詩餘卷六十

詳校官中書臣潘有為

侍讀臣孫球覆勘

總校官進士臣朱鈐

校對官學政臣翁樹棠

謄錄監生臣劉禮

欽定四庫全書

御選歷代詩餘卷六十目錄

九十五字

滿庭芳

上一體又

宋徽宗

晏幾道

蘇軾

六首

黃庭堅

四首

秦觀

四首

晁補之

五首

陳師道

李之儀

二首

毛滂

二首

舒亶

三首

趙令時

米芾

葛勝仲

周紫芝  
三首

葛郯  
四首

周邦彥  
四首

晁端禮  
四首

沈會宗  
二首

陳瓘

向子諲  
二首

蔡伸  
三首

王庭珪

葉夢得  
二首

趙長卿

劉子翬

曾覲

辛棄疾  
三首

黃公度

葛立方  
六首

程垓

吳儆  
二首

索去華

張鎡

黃機

毛幵

汪莘  
二首

吳潛

方岳

御選歷代詩餘卷六十目錄



欽定四庫全書

御選歷代詩餘卷六十九

五十九

司經局洗馬掌局事兼翰林院修撰加二級臣王奕清奉

旨校刊

滿庭芳

上

又一體雙調九十五字一名滿庭霜一名鎖陽臺  
一名瀟湘夜雨換頭二字間有用韻然無分體也

滿庭芳

宋徽宗

窠宇清夸元宵遊豫為開臨御端門暖風搖曳香氣霽

欽定四庫全書

御選歷代詩餘

卷六十

一

輦旁十萬公，陳燁燁銜臺外。羅綺繡綵，歡聲裏。燿龍佳  
耀黼藻太平春。靈鼇擊綵岫，冰輪逶駕，初上祥雲照。  
萬宇嬉遊，一視同仁，更起維垣大第。通宵燕調，變良臣  
從茲慶都俞，賡載千載樂昌辰。

前調

晏幾道

南苑吹花，西樓題葉，故園歡事，重重凭闌，秋思閒記舊。  
相逢幾處，歌雲夢雨，可憐流水，各西東。別來久，淺情未  
有，錦字繁征鴻。年光還少味，開殘檻菊，落盡溪桐。謾

留得尊前淡月西風此恨誰堪共說消愁時綠酒杯中  
佳期在歸時待把香袖看啼紅

前調

自黃移  
汝留別

蘇軾

歸去來兮吾歸何處萬里家在岷峨百年行樂來日幾  
曾多坐見黃州載閨兒童盡楚語吳歌山中友雞豚社  
飲相勸老東坡云何當遠去人生底事來往如梭待  
閒看秋風洛水清波好在堂前細柳應念我莫翦柔柯  
仍傳語江南父老時與曬漁蓑

欽定四庫全書

御選歷代詩餘  
卷六十

首訴陽美作

蘇軾

歸去來兮清溪無底上有千仞嵯峨畫橋西畔天遠夕  
陽多老去君恩未報空回首彈缺悲歌船頭轉長風萬  
里歸馬駐平坡無何何處是銀潢盡處天女停梭問  
人間何事久戲風波顧問同來穉子應爛汝腰下長柯  
青衫破羣仙笑我千縷挂煙蓑

前調

佳人

蘇軾

香燼雕盤寒生冰筋畫堂別是風光主人情重開宴出

紅妝膩玉圓搓素頸藕絲嫩新織仙裳雙歌罷虛檐轉  
月餘韻尚悠颺 人間何處有司空見慣應謂尋常坐  
中有狂客惱亂愁腸報道金釵墜也十拍露春筍纖長  
親曾見全勝宋玉想像賦高唐

前調

蘇軾

蝸角虛名蠅頭微利算來著甚乾忙事皆前定誰弱又  
誰強且趁閒身未老儘放我些子疎狂百年裏渾教是  
醉三萬六千場 思量能幾許憂愁風雨一半相妨又

何須抵死說短論長  
幸對清風皓月苔茵展雲幙高張  
江南好千鍾美酒一曲滿庭芳

前調

為王長官賦

蘇軾

三十三年今誰存者算只君與長江凜然蒼檜霜幹苦  
難雙聞道司州古縣雲溪上竹塢松牕江南岸不因送  
子寧肯過吾邦  
縱縱疎雨過風林舞破煙蓋雲幢願  
持此邀君一飲空缸居士先生老矣真夢裏相對殘缸  
歌舞斷行人未起船鼓已逢逢

前調

與劉仲達遊  
南山感舊

蘇軾

三十三年漂流江海萬里煙浪雲帆故人驚怪憔悴老  
青衫我自疎狂異趣君何事奔走塵凡流年盡窮途坐  
守船尾凍相銜 巉巖淮浦外層樓翠壁古寺空嵒步  
攜手林間笑挽纖纖莫上孤峰盡處縈望眼雲水相攬  
家何在因君問我歸步遶松杉

前調

茶

黃庭堅

北苑龍團江南鷹爪萬里名動京闕碾輕羅細瓊蕊暝

生煙一種風流氣味如甘露不染塵凡纖纖捧冰甃瑩  
玉金縷鷓鴣斑相如方病酒銀瓶蟹眼波怒濤翻為  
扶起尊前醉玉頽山飲罷風生兩腋醒魂到明月輪邊  
歸來晚文君未寢相對小牕前

前調

雪中戲  
呈友人

黃庭堅

風力驅寒雲容呈瑞曉來到處花飛徧裝瓊樹春意到  
南枝便是漁蓑舊畫綸竿重橫玉低垂今宵裏香閨邃  
館幽賞事偏宜風流金馬客歌鬚醉擁烏帽斜敲問



人間何處鵬運天池且共周郎按曲音微誤首已先迴  
同心事丹山路穩長伴綵鸞歸

前調

黃庭堅

初綰雲鬢才勝羅綺便嫌柳巷花街占春才子容易託  
行媒其奈風流債負煙花部不免差排劉郎恨桃花片  
片流水惹塵埃風流賢太守能籠翠羽宜醉金釵且  
留取垂楊掩映廳堦直待朱幡去後從伊便窄韞弓鞬  
知恩否朝雲暮雨還向夢中來

前調

黃庭堅

修水柔藍新條淡綠翠光交映虛亭錦鴛霜鷺荷徑拾  
幽蘋香度闌干屈曲紅妝映薄綺踈櫺風清夜橫塘月  
滿水淨見移星 堪聽微雨過嬾藻荇瑣碎浮萍便  
移轉交牀湘簾方屏練靄鱗雲旋滿聲不斷檐響風鈴  
重開宴瑤池雪沁山露佛頭青

前調

秦觀

山抹微雲天黏衰草畫角聲斷譙門暫停征棹聊共引

離尊多少蓬萊舊事空回首煙靄紛紛斜陽外寒鴉數  
點流水遶孤村消魂當此際香囊暗解羅帶輕分謾  
贏得青樓薄倖名存此去何時見也襟袖上空淙啼痕  
傷情處高城望斷燈火已黃昏

前調

秦觀

紅蓼花繁黃蘆葉亂夜深玉露初零霽天空闊雲淡楚  
江清獨棹孤蓬小艇悠悠過煙渚沙汀金鉤細絲綸慢  
捲牽動一潭星時時橫短笛清風皓月相與忘形任

人笑生涯泛梗飄萍飲罷不妨醉臥塵勞事有耳誰聽  
江風靜日高未起枕上酒微醒

前調

秦觀

碧水驚秋黃雲凝暮敗葉零亂空堦洞房人靜斜月照  
徘徊又是重陽近也聽幾處砧杵聲催西牕下風搖翠  
竹疑是故人來傷懷增悵望新懽易失往事難猜問  
籬邊黃菊知為誰開謾道愁須殢酒酒未醒愁已先回  
憑闌久金波漸轉白露點蒼苔

前調

秦觀

晚色雲開春隨人意驟雨方過還晴高堂芳樹飛燕蹴  
紅英舞困榆錢自落秋千外綠水橋平東風裏朱門映  
柳低按小秦箏多情行樂處珠鈿翠蓋玉轡紅纓漸  
酒空金榼花困蓬瀛豆蔻梢頭舊恨十年夢屈指堪驚  
凭闌久疎簾淡日寂寞下蕪城

前調

晁補之

鷗起蘋中魚驚荷底畫船天上來時翠灣紅渚亂似武

陵迷更晚青山更好孤雲帶遠雨絲垂清歌裏金尊未  
掩誰使動分攜竹林高晉阮阿咸蕭散猶媿風期便  
棄官終隱釣叟苔磯縱是冥鴻雲外應念我垂翼低飛  
新詞好他年認取天際片帆歸

前調

憶廬山

晁補之

欲買廬山山前三畝小橋橫過松間變名吳市誰認舊  
容顏最好棲賢峽外應自此都隔塵寰人稀到壺中化  
國光景更堪閒無心求至道柴門閉了飽睡甘餐幸

兒成孫長為埽家山若問他年歸去驀地也雙槩來還  
愁難舍清風萬壑高處正躋攀

前調

答季良

晁補之

聞說秋來乘槎心嬾夢回三島波間便思黃帽同我老  
山顏上界仙人官府何似我蕭散塵寰雲無止流泉自  
急此意本來閒 寂寥松桂園陪君好語亦可忘餐況  
瓊枝玉蕊秀滿春山若問幽棲何意莫道是飛鳥知還  
無言處孫登半嶺高詠更難攀

前調

題自畫蓮社圖次東坡韻

晁補之

歸去來兮名山河處夢中廬阜嵯峨二林深處幽士往  
來多看畫遠公蓮社教兒誦李白長歌如重到丹巖翠  
戶瓊草秀金坡生綃雙幅上諸賢巾履文彩天梭社  
中客禪心古井無波我似淵明逃社怡顏晒百尺庭柯  
牛閒放奚童任嬾吾已廢鞭蓑

前調

晁補之

鄉物牽情家山回首浩然歸興難收報恩心事投老判



悠悠却笑當年牛下空自許激烈寒謳成何事夸猶桂  
楫蘭芷詠芳洲 人生萍梗迹誰非樂土何處吾州算  
不須臨歧惆悵遲留要看香爐瀑布丹楓亂江色凝秋  
真堪與瀟湘暮雨圖上畫扁舟

前調

茶

陳師道

閩嶺先春琅函睽壁帝所分落人間綺牕纖手一縷破  
雙團雲裏遊龍舞鳳香霧起飛月輪邊華堂靜松風竹  
雪金鼎沸潺湲 門闌車馬動扶黃藉白小袖高髻漸

胃裏輪囷肺腑生寒喚起謫仙醉倒翻湖海傾瀉濤瀾  
笙歌散風簾月幙禪榻鬚絲斑

前調

八月十六夜

李之儀

一到江南三逢此夜舉頭羞見嬋娟黯然懷抱特地遣  
誰寬分外清光潑眼迷滉漾無計拘攔天如洗星河盡  
掩全勝異時看 佳人還憶否年時此際相見方難漫  
紅綾偷寄孤被添寒何事佳期再覩翻悵望重疊關山  
歸來呵休教獨自腸斷對團圓

前調

碾龍團為  
供者報之

李之儀

花陌千條珠簾十里夢中還是揚州月斜河漢曾記醉  
歌樓誰賦紅綾小研因飛絮天與風流春常在仙源路  
隔空自泛漁舟 新秋初雨過龍團細碾雪乳浮甌問  
殷勤何處特地相留應念長門賦罷消渴甚無物堪酬  
情無盡金扉玉榜何日許重遊

前調

毛滂

爍石炎曦迷雲急雨院落槐午陰清藕花開偏綠細一

池萍槽下珍珠溜溜龍團破河朔餘醒闌干外梧桐葉  
底金井轆轤聲盈盈開霧帳珊瑚連枕雲母圍屏對  
肌膚冰雪自有涼生翠袖風回畫扇拂香篆虬尾斜橫  
北牕晚娟娟靜色竹影上簾旌

前調

西園月  
夜賞花

毛滂

馬絡青絲障開紅錦小晴初斷香塵芳醪持燭別有箇  
佳人飛蓋西園午夜花梢冷雲月朧明應還惜留花伴  
月占定可憐春佳人爭插帽已殘芳樹猶綴餘英任

紅辭香散蜨恨蜂嘖醉也和春戴去深院落初馥鑪熏  
玉臺畔從教卸了留映晚妝新

前調

重陽後  
次元直

舒 亶

寒日穿簾澄江憑檻練光浮動餘霞蓼汀蘆渚黃葉觀  
孤花天外征帆隱隱殘雲共流水無涯登臨處瓊枝澌  
灑風帽醉欹斜豐年時節好玉香田舍酒滿漁家算  
浮世勞生事事輸他便恁從今酩酊休更問白雪籠紗  
還須仗神仙妙手傳向畫圖誇

前調

後一日再  
次馮通直

舒亶

紅葉飄零寒煙疎淡樓臺半在雲間望中風景圖畫也  
應難又是重陽過了東籬下黃菊闌珊陶潛去風流載  
酒秋意與人間霞冠敝倒處瑤臺唱罷如夢中還但  
醉裏贏得滿眼青山華髮看看滿也留不住當日朱顏  
平生事從頭話了獨自却凭闌

前調

送道  
宗

舒亶

閭闔天門芙蓉春殿幾年目斷雞翹短蓬秋鬢端幸倚

瓊瑤南圃花邊小院西湖畔雲底雙橋歸時節紅香露  
冷月影上芭蕉 明朝那可望旗亭煙草柳渡寒潮但  
萬戶千門恨客歌樵戲綵光浮袞繡聽鳴珂響逼雲霄  
應回首綺裘醉客還是獨吹簫

前調

趙令時

玉枕生涼金釭傳曉敗葉飛破清秋雨餘翻浪渺渺阻  
行舟暫繫汀洲側畔風夜起荻葉添愁銀屏遠龍香漸  
盡還似夢揚州 更籌何太永當年情事今日堪酬最

苦恨紅樓笑我飄浮為寄相思細字教字字愁感蒼頭  
淒涼久漁人唱曉隨月過橫溝

前調

甘露寺  
試賜茶

米芾

雅燕飛觴清談揮麈使君高會羣賢密雲雙鳳初破縷  
金團牕外鑪煙自動開餅試二品香泉輕濤起香生玉  
塵雪濺紫甌圓 嬌嬈宜美盼雙擎翠袖穩步紅蓮座  
中客翻愁酒醒歌闌點上紗籠畫燭花驄弄月影當軒  
頻相顧餘歡未盡欲去且留連



前調

懷任  
昉

葛勝仲

百不為多一不為少阿誰昔仕吾邦共推任筆鴻鼎力  
能扛不為桃花祿米讐書倦一葦橫江招尋處徒行曳  
杖曾不擁麾幢山川真大好魚磯無恙密嶺難雙聽  
訟訴多就樵塢僧牕歲月音容遠矣風流在遐想心降  
雲煙路搜奇弔古時為酌空缸

前調

周紫芝

樓上寒深江邊雪滿楚臺煙靄空濛一天飛絮零亂點

孤蓬似我華顛雪鬢渾無定漂泊孤蹤空淒黯江天又  
晚風袖倚蒙茸吾廬猶記得波橫素練玉做寒峰更  
短坡煙竹聲碎瓊瓏擬問山陰舊路家何在水遠山重  
漁蓑冷扁舟夢斷燈暗小牕中

前調

周紫芝

曉色凝暎霜痕猶淺九天春意將回隔年花信先已到  
江梅沉水煙濃如霧金波滿紅袖雙垂仙翁醉問春何  
在春在玉東西瑤臺人不老還從東壁來步天墀且

細看八軌花影遲遲會見朱顏綠鬢家長近咫尺天威  
君知否天教雨露常滿歲寒枝

前調

九日

周紫芝

江遶淮城雲昏楚觀一枝煙笛誰橫曉風吹帽霜日照  
人明暗惱潘郎舊恨應追念菊老殘英秋空晚茱萸細  
撚醺醺為誰傾 人間真夢境新愁未了綠鬢星星問  
明年此會誰寄幽情倚盡一樓殘照何妨更月到簾旌  
憑闌久歌君妙曲誰是米嘉榮

前調

宴黃仲秉

葛郊

紅葉飛時青山缺處鴈飛秋影斜陽鳳凰旌節何事到  
吾鄉要見大江東去寒光靜水與天長人爭看恩袍煥  
錦新惹御鑪香 滿城誇盛事兩邦鼓吹幾部笙簧看  
萬紅千翠簇擁雲裳況是重陽近也萸露紫菊吐輕黃  
休辭醉明朝一枕歌韻尚悠揚

前調

述懷  
三首

葛郊

歸去來兮苔波深處上有蒼翠千峰月橋煙野家在五

湖東試覓桃花流水雞犬靜人迹纔通沙汀晚一天雲  
錦飛下水晶宮 兩年官事少江梅霧暗多稼雲豐把  
毗壇清夢盡入詩筒只欠蘆花夜宿金溪上一葦秋風  
蓑衣在不辭重整來作釣魚翁

前調

葛郊

歸去來兮家林不遠夢魂飛繞煙峰洞房花木只在小  
池東誰道雲深無路小橋外一徑相通功名小從教羣  
蟻鏖戰大槐宮 故人書夜到秣田百畝已兆年豐把

烏程爛醉不數卽筒醉後村歌社舞團圞坐一笑春風  
洪崖伴定驅鸞鶴時一訪仙翁

前調

葛 郊

歸去來兮心空無物亂山不闌看峰夜禪久坐牕曉日  
生東已絕乘槎妄想滄溪迴不與河通維摩室從教花  
雨飛舞下天宮 何人開宴豆楚羹萸嫩吳鱸盤豐看  
一聲欸乃落日收筒應笑紅塵陌上津亭暮十里斜風  
從今去青鞵黃帽分付紫髯翁

前調

漂水無  
想山作

周邦彥

風老鶯雛雨肥梅子午陰佳樹清圓地卑山近衣潤費  
鑪煙人靜烏鳶自樂小橋外新綠濺濺凭闌久黃蘆苦  
竹疑泛九江船年年如社燕飄流瀚海來寄修椽且  
莫思身外長近尊前顚顚江南倦客不堪聽急管繁絃  
歌筵畔先安簾枕容我醉時眠

前調

懷錢  
塘

周邦彥

山崦籠春江城吹雨暮天煙淡雲昏酒旗漁市冷落杏

花村蘇小當年秀骨縈蔓草空想羅裙潮聲起高樓噴  
笛五兩了無聞淒涼懷故國朝鐘暮鼓十載紅塵但  
夢魂迢遞長到吳門聞道花開陌上歌舊曲愁煞王孫  
何時見名娃喚酒同倒甕頭春

前調

周邦彥

花撲鞭梢風吹衫袖馬蹄初趁輕裝都城漸遠芳樹隱  
斜陽未慣羈遊况味征鞍上滿目淒涼今宵裏三更皓  
月愁斷九迴腸佳人何處去別時無計同引離觴但



惟有相思兩處難忘去即十分去也如何向千種思量  
凝眸處黃昏畫角天遠路岐長

前調

周邦彥

白玉樓高廣寒宮閣暮雲如障  
牽開銀河一派流出碧天來  
無數星躔玉宇冰輪動光滿樓臺  
登臨處全勝瀛海弱水浸蓬萊  
雲鬢香霧濕月娥韻壓雲凍  
江梅況餐花飲露莫惜徘徊  
坐看人間如掌山河影倒入瓊杯  
歸來晚笛聲吹徹九萬里塵埃

前調

晁端禮

綠繞羣峰紅搖千柄夜來暑雨初收共君乘興輕舫信  
悠悠且盡一尊別酒荷香裏滿酌輕謳明朝去征颿夜  
落何處好汀洲風流吾小阮朝辭東觀夕向南州況  
聖時爭教賈傅淹留若過潯陽亭上琵琶淚莫灑清秋  
堤邊柳從今愛惜留待繫歸舟

前調

晁端禮

天與疎慵人憐憔悴分甘拋棄簪纓有時乘興波上葉

舟輕十里橫塘過雨荷香細蘋末風清真如畫殘霞淡  
日偏向柳梢明 凝情塵網外鱸魚旋鱠芳酒深傾又  
算來何須身外浮名無限滄浪好景蓑笠下且遣餘生  
長歌去機心盡矣鷗鷺莫相驚

前調

晁端禮

雪滿貂裘風搖金轡笑看錦帶吳鉤照人青鬢年少定  
封侯此去馬蹄何處山萬疊濟水南州君知否劉郎未  
老曾是恣狂遊 風流佳麗地十年屈指一夢迴頭最

難忘西湖北渚澄秋玉砌雕闌好在桃共李曾憶人不  
衰翁也多情為我將恨寄紅樓

前調

晁端禮

北渚澄瀾南山凝翠望中渾似仙鄉萬家煙靄朱戶鎖  
垂楊好似飛泉漱玉迴環偏小曲深坊西風裏芙蓉帶  
雨飄散滿城香 微涼湖上好橋橫倒影月練飛光命  
玳簪促席雲鬢分行誰似風流太守端解道春草池塘  
須留戀神京縱好此地也難忘

前調

沈會宗

柳與堤迴橋隨湖轉望中如在蓬萊水禽高下煙霧歛  
還開認是仙翁住處都不見一點塵埃壺天晚清寒帶  
雪光景自徘徊高才廊廟手當年平步直到堯堦况  
今朝調鼎尤待鹽梅只恐身閒不久難留戀花月樓臺  
看新歲春風且送五馬過江來

前調

沈會宗

雪底尋梅冰痕觀水晚來天氣尤寒漸聞歌笑輕暖發

春妍賞盡十洲新景依稀見三島風煙判深夜一年月  
色只是這番圓 熙然千里地何妨載酒頻上湖船况  
坐中高客不日朝天須勝人間好處沒箇事贏得尊前  
東風近侵尋桃李別做醉黃緣

前調

陳 瓘

淮葉繽紛江煙濃淡別尊同倒寒暉未逢春信霜露惹  
征衣往事元無是處何須待回首知非春鶻語從來勸  
我長道不如歸 家山何處近江樓簾櫳夕捲朝飛問

西江筍蕨何似鱸肥且置華胥舊夢忘言處千古同時  
君知我平生心事相契古來稀

前調

桂二首

向子諲

月窟蟠根靈巖分種絕知不是塵凡瑠璃翦葉金粟綴  
花繁黃菊周旋避舍友蘭蕙羞殺山礬清香遠秋風十  
里鼻觀已先參酒闌聽我語平生半是江北江南經  
行處無窮綠水青山常被此花相惱思共老結屋中間  
不因著薌林底事遊戲到人寰

前調

向子諲

瑟瑟金風團團玉露巖花秀發秋光水邊一笑十里得  
清香疑是蕊宮仙子新妝就嬌額塗黃霜天晚妖紅麗  
紫回首總堪傷 中央孕正色更留明月偏照何妨便  
高如蘭菊也讓芬芳輸與薌林居士微吟罷閒據胡牀  
須知道天教尤物相伴老江鄉

前調

蔡伸

煙鎖長堤雲橫孤嶼斷橋流水溶溶凭闌凝望遠目送



征鴻桃葉溪邊舊事如春夢回首無蹤難忘處紫薇花  
下清夜一尊同 東城攜手地尋芳選勝賞徧珍叢念  
紫簫聲闕燕子樓空好是盧郎未老佳期在端有相逢  
重重恨聊憑紅葉和淚寄西風

前調

蔡伸

風捲龍沙雲垂平野晚來密雪交飛坐看闌檻瓊蕊徧  
寒枝妝點蘭房景致金鋪掩簾幙低垂紅爐畔淺斟低  
唱天色正相宜 更闌人半醉香肌玉暖寶髻雲敝又

何須高會梁苑瑤池堪笑子猷訪戴清興盡忍凍空回  
仍休羨漁人江上披得一蓑歸

前調

蔡伸

鸚鵡洲邊芙蓉城下迥然水秀山明小舟雙槳特地訪  
雲英驚破蘭衾好夢開朱戶一笑相迎良宵永南牕皓  
月依舊照娉婷別來無限恨持杯欲語恍若魂驚愴  
霎時相見又慘離情還是匆匆去也重攜手密語叮嚀  
佳期在寶釵鸞鏡端不負平生

前調

上元黃子  
餘席上

王庭珪

宿雨初收晚風微度萬家簾捲青煙暗塵隨馬人物似  
神仙試問天公借月天須放明月教圓應移下廣寒宮  
殿燈火接星躔 盧川元古郡當時太守賓從俱賢到  
如今萬井歌吹喧闐花下紅妝賣酒時相遇曲水橋邊  
誰知道山城父老重見中興年

前調

雨後極目  
亭寄友

葉夢得

麥隴如雲清風吹破夜來疎雨纔晴滿川煙草殘照落

微明縹緲危闌曲檻遙天盡日脚初平青林外參差暝  
靄紫帶遶山橫孤城春雨過綠陰是處時有鶯聲問  
落絮遊絲畢竟何成信步蒼苔遶徧真堪付閒客閒行  
微吟罷重回皓首江海渺遙情

前調

葉夢得

一曲離歌煙林人去馬頭微雪新晴隔年光景回首近  
清明斷送殘花又老春波靜湖水初平誰重到雕闌盡  
日遙想畫橋橫高城凝望久何人為我重唱餘聲問

桃李更有幾處陰  
成老去從遊似夢尊  
前事空有經行  
猶能記殷勤寄語  
多謝故人情

前調

七夕

趙長卿

雨洗長空風清雲路又還準備佳期  
夜涼如水一似去秋時  
渺渺銀河浪靜星橋外香靄  
緋緋霞輶舉鸞驂鵲  
馭穩穩過飛梯  
經年成間阻相逢無語應喜應悲  
怕玉繩低處依舊睽離  
和我愁腸萬縷  
嫦娥怨底事來遲  
廣寒殿春風桂魄首與慰相思

欽定四庫全書

御選歷代詩餘

卷六十

三

前調

和胡明仲  
桂花詞

劉子翬

秋入微陰涼生平遠小山愁絕天南似聞還斷飛策徧  
千巖葉底輕黃纂纂惱人是微裂芳緘脩然勝清真冷  
淡無豔寄塵凡 澗潭敲兩岸波光搖動碧影相參任  
西風十里吹度松杉我自寒灰槁木凝神處不覺醺酣  
歸來晚飛花無迹明月滿空函

前調

賞壯  
丹

曾覲

冶態輕盈香風搖蕩畫闌淑景初長彩霞深處明豔奪

昭陽試問沈香舊事應勸我莫負韶光多情是低徊顧  
影雲幙淡微涼 人間春更好一枝斜插猶記疎狂到  
如今潘鬢暗點吳霜樂事直須年少何妨擲一醉千觴  
醺醺醉壺天向晚春思正悠揚

前調

和洪相景伯  
呈景廬內翰

辛棄疾

急管哀絃長歌慢舞連娟十樣宮眷不堪紅紫風雨曉  
稀稀惟有楊花飛絮依舊是萍滿芳池醪醕在青虬快  
翦插偏古銅彝 誰將春色去鸞膠難覓絃斷蛛絲恨

牡丹多病也費醫治夢裏尋春不見空腸斷怎得春知  
休惆悵一觴一詠須刻右軍碑

前調

游豫章東湖再用韻

辛棄疾

柳外尋春花邊得句怪公喜氣軒睂陽春白雪清唱古  
今稀曾是金鑾舊客記鳳凰獨遶天池揮毫罷天顏有  
喜催賜尚方藥只今江山遠釣天夢覺清淚如絲算  
除非痛把酒療花治明日五湖佳興扁舟去一笑誰知  
溪堂好且擽一醉倚杖讀韓碑



前調

辛棄疾

西崦斜陽東江流水物華不為人留瑋然一葉天下已  
知秋屈指人間得意問誰是騎鶴揚州君知我從來雅  
興未老已滄洲無窮身外事百年能幾一醉都休恨  
兒曹抵死謂我心憂況有溪山杖履阮籍輩須我來遊  
還堪笑機心早覺海上有鷺鷥

前調

黃公度

一徑又分三亭鼎峙小園別是清幽曲闌低檻春色四

時留怪石參差卧虎長松瘦偃蹇虬攜筇晚風來萬  
里冷撼一天秋 優游銷永晝琴尊左右賓主風流且  
偷閒不妨身在南州故國歸帆隱隱念西崑往事悠悠  
都休問金釵十二滿酌聽輕謳

前調

和催  
梅

葛立方

未許蜂知難教雀啁芳叢猶是寒叢東風解凍春仗做  
春工何事仙葩未放寒苞祕冰麝香濃應須是驚聞羯  
鼓誰敢噴鬐龍 梅花君自看丁香已白桃臉將紅結

歲寒三友久遲筠松要看含章檐下閒妝靚春睡朦朧  
知音是凍雲影底鐵面葛仙翁

前調

探梅

葛立方

狂吹鳴籬祥雲翦水分明欺壓寒梅冰威初斂曦影上  
池臺應有一番和氣南枝上恐有春來須勤探呼吾筇  
杖屐齒上蒼苔春風渾未到裴回香逕巡遶千迴見  
瓊英一點小占條枚且看先鋒鬪豔看看便繁蕾齊開  
香浮動微熏詩夢須更著詩催

前調

賞梅

葛立方

臘雪方凝春曦俄漏畫堂小秩芳筵玉壺仙蕊簾外冪  
瑤煙莫話青山萬樹聊須對一段孤妍杯行處香參鼻  
觀百濯未為賢吾廬何處好繡香竹畔偶桂溪邊且  
為渠珍重滿泛金船已擗春醒一枕如今且醉倒花前  
花飛後歡呼一笑又是說明年

前調

簪梅

葛立方

弄月黃昏封霜清曉數枝影墮溪濱化工仙手幻出一

番新片片雕酥碾玉寒苞似已洩香塵聊相對畸人投  
分尊酒認荀陳吾年今老矣佳人薄相笑插巾媿  
蒼顏白髮回授烏雲玉鏡臺邊試看相宜是淺笑輕顰  
君知否壽陽額上不似髮邊春

前調

評梅

葛立方

一陣清香不知來處元來梅已舒英出籬含笑芳意為  
人傾細看高標孤韻誰家有別得花人應須是魏徵嫵  
媚夷甫太鮮明北枝方半吐水邊疎影綽約娉婷問

橫空皎月匝地寒霰何似此花清絕憑君為仔細推評  
幽奇處素娥青女著意為橫陳

前調

葛立方

扉映琉璃牕搖雲母水堂新甃雲灣際天波面玉鏡寶  
奩寬闌外青山幾疊瑤煙歛影落千鬟寒汀晚蘆花飛  
雪風定白鷗閒塵寰何處有方壺圓嶠弱水波翻問  
何如藜杖此地躋攀種竹今逾萬箇風枝靜日報平安  
他年事蒼雲此處千畝看栖鸞

前調

臨安晚  
秋登臨

程垓

南月驚烏西風破鴈又是秋滿平湖採蓮人盡寒色戰  
菰蒲舊信江南好景一萬里輕覓尊鱸誰知道吳儂未  
識蜀客已情孤憑高增悵望湘雲盡處都是平蕪問  
故鄉何日重見吾廬縱有荷紉芰製終不似菊短籬疎  
歸情遠三更雨夢依舊遶庭梧

前調

寄葉蔚  
宗二首

吳儆

宿雨滋蘭輕風颭柳新來隨處和融幽闌曲逕花氣巧

相通燕子纔來又語帶芹泥時點芳叢微中酒日長睡  
起心事在蒼峰 年年春好處聯鑣蕩漿拾翠按紅任  
金貂醉脫不放杯空誰信風流一別當時事已逐飛鴻  
雲山晚闌干罷倚煙寺起踈鐘

前調

吳 儆

水滿池塘鶯啼楊柳燕忙知為泥融桃花流水竹外小  
橋通又是一春憔悴摘殘英遠徧芳叢長安遠平蕪盡  
處疊疊但雲峰 西湖行樂處牙檣漾鷁錦帳翻紅想



年時桃李應已成空欲寫相思寄與雲天闊難覓征鴻  
空凝想時時殘夢依約上陽鐘

前調

索去華

麥隴黃輕桑疇綠暗野橋新碧泱泱怕春歸去鶯語燕  
飛忙風定閒花自落穿幽徑拾蕊尋香曾來處孤雲翠  
壁依舊挂斜陽客愁知幾許唯思徑醉誰與持觴料  
文君衣帶為我偷長苦憶新晴晝永閒相伴刺繡明牕  
何時得西風夜永枕簟共新涼

前調

促織

張 鎡

月洗高梧露溥幽草寶釵樓外秋深土花沿翠螢火墜  
牆陰靜聽寒聲斷續微韻轉淒咽悲沈爭求侶殷勤勸  
織促破曉機心 兒時曾記得呼燈灌穴斂步隨音任  
滿身花影猶自追尋攜向畫堂試問亭臺小籠巧裝金  
今休說從渠牀下涼夜聽孤吟

前調

欲之官  
永興

黃 機

二十年間舊遊蹤跡夢飛岳麓湘灣征衫再理秋老菊

花天為客問君何好愛水光山色爭妍經行處旗亭沽  
酒曾記屋東偏噫其吾甚矣不慚蹇拙欲鬪嬋娟辦  
輕輿短艇強載衰顏人道郴陽無鴈奈情鍾藕斷絲聯  
須相憶新詩賦就時復寄吳牋

前調

改倅東陽留別

毛升

世事難窮人生無定偶然蓬轉萍浮為誰教我徙宦到  
東州還似翩翩海燕乘春至歸及涼秋回頭笑渾家數  
口又泛五湖舟悠悠當此去黃童白叟莫謾相留但

谿山好處深負重遊珍重諸公送我臨歧淚欲語先流  
應須記從今風月相憶在南樓

前調

雨中賦  
牡丹

汪莘

雲遶花屏天橫練帶畫堂三月初三斜風細雨羅幕護  
輕寒無數天香國色枝枝帶洛浦嵩山燒紅燭吞星浴  
日光射九霞冠仙宮深幾許黃鶯問道紫燕窺簾似  
太真姊妹半醒微酣須信生來富貴何曾在草舍茅庵  
皇州近扁舟載去春色冠江南

前調

壽金黃州

汪莘

雲夢南來岷嶓東會樓前天水蒼茫黃州太守萬里作  
金湯淮上煙塵初斂仍安集耕隴漁鄉須知道綸巾羽  
扇不獨數周郎生朝遙想處雪消赤壁春動黃岡有  
新翻楊柳細抹絲簧竹外一枝更好各回首清淺池塘  
看看也天邊鳳詔歸侍赭袍光

前調

吳潛

漠漠春陰疎疎春雨鵲鳩喚起春眠小園人靜獨自倚

秋千又見飄紅墮雪芳徑裏都是花鈿年年事閒愁閒  
悶挂在綠楊邊尋思都徧了功名竹帛富貴貂蟬但  
身為利鎖心被名牽爭似依山傍水數椽外二項良田  
無縈絆炊粳釀秫長是好花天

前調

擘蟹

方岳

半殼含黃雙螯擘紫風流渾是蘆花江頭秋老誰了酒  
生涯玉質金相如許怎消受明月寒沙橙香也不聞左  
手除是付詩家草泥行郭索橫戈曾怒張翰浮誇笑

鱸魚雖好風味爭些醉嚼霜前鬢雪江湖夢不枉歸槎  
停杯問余其負腹是腹負余耶



御選歷代詩餘卷六十



欽定四庫全書

集部

御選歷代詩餘卷六十一

詳校官中書<sub>臣</sub>潘有為

侍讀<sub>臣</sub>孫球覆勘

總校官進士<sub>臣</sub>朱鈐

校對官學政<sub>臣</sub>翁學崇

謄錄監生<sub>臣</sub>劉禮

欽定四庫全書

御選歷代詩餘卷六十一目錄

起九十五字  
至九十六字

滿庭芳

下

沈端節

方千里

楊澤民

黃昇

陳允平

張炎

石孝友

三首

劉褒

何夢桂

李清照

僧兒

吳激

段克己

劉詵  
二首

張埜

楊樵雲

蒲道源

劉基  
二首

瞿祐

吳子孝  
四首

王慎中

商輅

周用  
二首

董其昌

陳繼儒

吳宗達

周世臣

陳子龍

沈麋  
二首

韓智珙

錢氏

沈宜修

陳娶

前調

又一體

無名氏

燭影搖紅

又一體

周邦彥

廖世美

趙長卿

張掄

吳億

張鉉

趙善扛

高觀國

方岳

吳文英

六首

張炎

二首

孫惟信

無名氏

孫氏

湘江妓

袁易

天香

又一體



賀鑄

吳文英

二首

周密

王沂孫

李彭老

王易簡

馮應瑞

唐藝孫

呂同老

無名氏

前調又一體

景覃二首

御選歷代詩餘卷六十一目錄

欽定四庫全書

御選歷代詩餘卷六十一

九十五字至  
九十六字

司經局洗馬掌局事兼翰林院修撰加二級臣王奕清奉

旨校刊

滿庭芳

下

滿庭芳

沈端節

霧薄陰輕林深煙煖海棠特地開遲風光絕豔獨自殿  
芳時須信東君主意花神會別有看持羣英外嫣然一

笑富貴出天姿 日長春睡足粉香撲撲酒暈微微明  
皇當日稱許最相宜 妃子扶來半醉宮妝澹不埽蛾眉  
偏憐處流鶯驚繞金彈拂叢飛

前調

次周美成韻

方千里

山色澄秋水光融日浮萍飄碎還圓數行征鴈分破白  
鷗煙高下回塘暗谷寫幽思終日濺濺閒凝望殘霞暝  
靄何處一漁船 江南思舊隱筠軒野迳茅舍疎椽慣  
攜壺花下敲帽風前想像淵明舊節琴中趣何必疎絃

歸歟計不將五斗輸與北牕眠

前調

次周美成韻

楊澤民

春過園林雨餘池沼嫩荷點點青圓晝長人靜芳樹欲  
生煙一徑幽通邃竹松風漱石齒濺濺平生志功名未  
就先覓五湖船不如歸去好良田二頃茅舍三椽任  
高歌月下痛飲花前果解忘情寄意又何在頻撫無絃  
煙波友扁舟過我相伴白鷗眠

前調

黃昇

草木生春樓臺不夜團團月上雲霄太平官府民物共  
逍遙指點江梅一笑幾番負雨嫩風嬌今年好花邊把  
酒歌舞醉元宵風流賢太守青雲志氣玉樹丰標是  
神仙班裏舊日王喬出奉板輿行樂金蓮照十里笙簫  
收燈後看看丹詔催入聖明朝

前調

次周美  
成韻

陳允平

槐影連雲竹光團露小荷新綠浮圓簟紋如浪綃帳碧  
籠煙迴合溪橋一曲初雨過流水濺濺闌干外沙鷗野

鳥飛過釣魚船 浮生同幻境眼空四海蹟寄三椽但  
隨天休問我後誰前要識淵明琴趣真真意都在無絃  
薰風裏綸巾羽扇一枕北牕眠

前調

小春

張炎

晴皎霜花曉鎔冰羽開簾覺道寒輕臥聞啼鳥生意又  
園林閒了淒涼賦筆便而今不聽秋聲消凝處一枝借  
煖終是未多情 陽和能幾許尋紅探粉也恁忺人笑  
鄰娃癡小料理花鈴却怕驚回睡蝶恐和他草夢都醒



還知否能消幾日風雪灞橋深

前調

次范倅憶  
洛陽梅

石孝友

蘭畹霜濃柳溪冰咽春光先到江梅瘦枝疎萼特地破  
寒開勾引天涯舊恨雙眉鎖九曲腸回空銷黯故園何  
在風月浸長淮當年吟賞處醉仙顛倒飛屑成堆怎  
奈向而今雨誤雲乖萬里難憑驛使那堪對別館離杯  
誰知道洛陽詩老還有夢魂來

前調

石孝友

瘦頰凝酥殘妝弄酒相逢一笑東風並肩攜手差落可  
憐紅疑是回心院裏埋醉首吐作芳叢無端處雄蜂雌  
蝶相美兩情通 一從攀折後漢皋珮失銅雀春空想  
桃葉桃根此恨能同多謝金鑾舊客收拾在芸閣籤中  
還知否竊香傳粉輸與蠹書蟲

前調 寄別

石孝友

修竹揆藍梅山聳翠小小佳處西安從來聞說今日遠  
來看便好求田問舍耳溪澗目飽林巒爭知道塵緣未

了無計與盤桓  
小蠻應念處絃孤  
么鳳鏡掩離鸞愁  
再見多情素日閒  
閒早晚扁舟兩槳驚  
翠枕雲巘風湍  
從前去殷勤細數  
細數萬重灘

前調

劉 褒

柳裊金絲梨鋪香雪  
一年春事方中燭  
前乍見花豔覺  
羞紅枕臂香痕未落  
舟橫岬作計匆匆  
明朝去暮天平  
水雙漿碧雲東  
隔籬歌一闋  
琵琶聲斷燕子樓空  
歎陽臺夢杳行雨無蹤  
後會芙蓉未老  
從今去日望歸鴻

愁如織斷腸啼鳩多事訴春風

前調

何夢桂

燕子片乾龍孫籜老綠陰深鎖林塘午風庭院人試薄  
羅裳數盡落紅飛絮摘青梅煮酒初嘗重門靜一簾疎  
雨消盡水沉香把當年團扇恩情猶在未是相忘笑  
山翁鬢髮早已蒼蒼說與乘鸞綵女看世間多少炎涼  
更休怨百年一夢且共醉霞觴

前調

殘梅

宋媛

李清照

小閣藏春閒牕鎖畫畫堂無限深幽篆香燒盡日影下  
簾鉤手種江梅漸好又何必臨水登樓無人到寂寥恰  
似何遜在揚州從來知韻勝難禁雨藉不耐風揉更  
誰家橫笛吹動濃愁莫恨香消玉減須信道埽跡情留  
難言處良宵澹月疎影尚風流

前調

宋妓

僧兒

團菊包金叢蘭減翠畫成秋暮風煙使君歸去千里倍  
潛然兩度朱幡鴈水全勝得陶侃當年如何見一時盛

事都在送行篇 愁煩梳洗嬾尋思  
陪宴花月湖邊有多少風流往事  
縈牽聞道霓旌羽駕看看是玉局  
神仙應相許衝雲披霧一到洞中  
天

前調

吳 激

誰挽銀河青冥都洗故教獨步蒼  
蟾露華仙掌清淚向人霑畫棟秋  
風嫋嫋飄桂子時入疎簾冰壺裏  
雲衣霧鬢掬水弄春纖厭厭成勝  
賞銀槃撥汞寶鑑披匭待不放楸  
梧影轉西簷坐上淋漓醉墨人人  
看老子掀髯

明年會清光未減白髮也休添

前調

山居偶成

段克己

歸去來兮吾家何在結茅水際林邊自無人到門設不  
須關蠻觸攻爭蝸角榮枯事不到尊前應堪歎清溪流  
水東去幾時還此身何處著縱教容與魚鴈之間算  
躬耕隴畝在我無難便把鋤頭為枕眠芳草醉夢長安  
煙波客新來有約要買釣魚竿

前調

新萍二首

劉詵

碧唾成花翠璣浮霧水邊裙影知誰半溝未合脂水過  
生肥小扇迎風試拂翩翩去還復差池憑闌處怕伊貪  
見見了却忘歸 橋西青不住乳鴛行破一瞬淪漪看  
踈如有恨密似相依元是情根種得更千古欲盡何時  
重相約章臺春膩還上最高枝

前調

劉詵

宮鳥西飛楊花北去春風飄向伊誰盈盈小小輕薄不  
堪肥天付風流到骨消不盡流落清池誰知道踏歌朝



暮癡絕待渠歸 惜惜春似酒日痕生紺裙色明漪笑  
東家西沼到處依依同是東風種得獨無據飄泊年時  
青梅落水光簾影小翠立橫枝

前調

夏日飲王氏園亭

張堃

珠箔含風瑣牕凝霧柳溪別是仙鄉一枝絕豔嫋嫋動  
波光消盡人間煩暑冰紉膩玉骨生涼腸應斷清商一  
曲餘韻惹葉香 幽情還解否冰蓮心合碧藕絲長要  
滿斟芳醕親舉荷香耳畔向人微道便為儂一醉何妨

歸來晚新愁幾許山雨夜浪浪

前調

影

楊樵雲

只道空煙又疑流水依依却似行雲了然相對又似夢  
紛紜半面春風圖畫黃金在難鑄昭君溪橋斷梅花晴  
雪端的白三分真真難喚醒三年抽藕織得榴裙甚  
徘徊窺鏡交翼鸞文一片飛花來去并刀快翦取晴紋  
無情處分明著眼強半滿春醺

前調

蒲道源

長憶當年讀書牕下歲寒留看孤芳巡簷索笑重到更  
傍徨梅隱先生何在清江外新構茅堂人應道攀枝艱  
蕊那得救饑腸多情餘習氣芒屨竹杖未忍相忘但  
年年依舊踈影幽香好是春風近也猶記得吟遠昏黃  
開尊飲參橫斗轉同醉臥花傍

前調

壽石末公

劉基

嶽氣鍾嵩星精降昴五雲光映麟書綠明紅媚風暖日  
長初金翻斜開洞府羣仙擁翠佩瓊裾收拾盡乾坤清

淑為瑞在扶輿 文韜兼武略南陽諸葛東海穰苴有  
貌虎龍蛇深護儲胥制勝不妨談笑鶯聲裏旗影徐徐  
行看取非熊應兆沙路輾高車

前調

清明

劉基

積雨沉春昏煙酣晝不知還又清明榆錢柳絮相逐鬬  
輕盈芳徑莓苔漸滿青蘋與白芷俱生踈籬畔海棠間  
竹有箇鶉鳩鳴 寬心應是酒酒衝愁陣強似奇兵愛  
星星白髮知我平生底用登樓看鏡誤身世只是虛名

空凝佇落花如雪雲霧鎖高城

前調

西湖  
秋泛

瞿祐

露葦催黃煙蒲駐綠水光山色相連紅衣落盡辜負採  
蓮船點檢六橋楊柳但幾箇抱葉殘蟬秋容晚雲寒鴈  
背風冷鷺鷥肩 華筵容易散愁添酒量病減詩顛况  
情懷冷澹漸入中年埽退舞裙歌扇盡付與一枕高眠  
清閒好脫巾露髮仰面看青天

前調

望月  
東樓

吳子孝

午酒纔醒寒蟾乍皎有情偏照高樓霜飛瓊砌倚檻縱  
吟眸碧宇瑩然玉映金波溢千里雲收神瀟灑桂孤兔  
冷相對舊貂裘清虛新境界冰壺銀海身在瀛洲夜  
漸深忽聞鶴唳林丘空自凝情遠憶江湖上誰抱閒愁  
試翹首鬱藍宮闕拂袖馭風遊

前調

吳子孝

綠沼波平朱闌雨歇清冰繞座無炎晝長人靜香鴨燼  
頻添金盃藕絲初雪人如玉素手纖纖怕花前流鶯窺

見垂下水晶簾  
碧梧陰乍轉  
黃庭寫罷  
犀管休拈  
荷珠散  
薰風漸入危檐  
堪愛滿堂涼甚  
無一事睡思方甜  
鮫綃薄琉璣簾冷  
驚起看新蟾

前調

春日遊支硎  
天池諸山

吳子孝

宿雨平沙輕風野渡  
堪憐綠滿汀洲  
支硎山畔碧柳映  
朱樓水上花枝如錦  
飛紅碎散逐輕鷗  
晴雲暖鼓笳絃  
管來往漾蘭舟  
一年春最好  
家家園圃處處歌謳  
向曲巖深谷鳥語清柔  
輿外青山窈窕  
窈窕天池淨林石偏幽

旁人笑謫仙老矣猶似舊風流

前調

吳子孝

松暗隆池花飛謝巘南峰十里逶迤溪流曲曲清瑩映  
鬚眉陡暖單衣初試斜陽外細雨離離深林過又躋高  
嶺雲墮竹橋危 遨遊終日醉一春好景山寺江湄喜  
青梅滿塢紫笋盈籬撲面楊花不斷剛復見燕子差池  
請君看麟袍纏玉何似老無羈

前調

小院芙蓉

王慎中



啼鴂新聲羣芳乍歇有誰獨殿秋容娟娟靚好一種木  
芙蓉色濯瑤華發秀金風勁真態偏濃柴門閉蕭閒寂  
寞幽意對芳叢紛紛池館地遮蹊倚徑笑日披風醉  
心與睡眠觸汙仙丰幸是幽人傳得托根喜在此庭中  
多情處酬將麗藻不在倒金鍾

前調

花朝

商輅

鶴徑寒煙燕巢華露小牕夜雨新晴竹欄苔砌寂寂點  
芳春屈指春光已半徒翹首千里關城雲橫處蠻生戍

角隱隱雜啼鶯  
放衙人乍散  
琴拋案牘酒載郊垌身  
世風前絮更欲何憑  
十載邯鄲古道枕中事  
暗裏魂驚  
車茵軟儘容酩酊  
杜宇任多情

前調

周用

嘉樹含風踈簾映雨  
端陽景物依然  
故園何處雲白五  
湖邊記得舊年今日  
三江上萬玉亭前人  
晏起翠蒲綠  
醖旗鼓競龍船  
今年逢此日孤蓬  
四海翹首鈞天正  
西郊卜雨東魯移  
泉為問九農德業  
從吳楚直抵齊燕

煩太史一篇周頌再紀屢豐年

前調

壽言之弟

周用

日麗瑤京風和錦里平安兩字頻傳別來明月三十六  
迴圓恰是禁煙時候清溪上華萼堂前香霧醒緋桃翠  
柳妝點豔陽天 年年逢此日輕羅初試佳句新編有  
兒孫黃卷家世青氈待紀熙朝盛事耆英會滿座名賢  
且相約百三十歲再數甲辰年

前調

董其昌

宿雨初收曉煙未泮散雲都逐飛龍文君翠黛一霎變  
顰容多少風鬟霧鬢青螺髻飄墮空濛頻騁望征帆滅  
處遠靄與俱窮古今來畫手誰如莊叟筆底描風有  
江南一派北苑南宮我亦煙霞骨相閒點染懔懔難工  
但記取維摩詰語山色有無中

前調

邨莊

陳繼儒

五鹿山邊晉文投塊至今漳水依然使君住此花木已  
多年妝點亭臺橋道長消受夜月秋煙莊前後赤城綠

野場圃又鉤連 斜陽新雨外蘋青菱熟鷺醉鷗眠忽  
邨墟牧唱野外鐘傳一片風光似畫界不定江北江南  
相隨去筆牀茶竈同上釣魚船

前調

吳宗達

蕉長青箋筍抽斑管悶懷欲寫無多天公聽啓可否竟  
如何小構數椽茆屋須傍取千頃澄波扁舟繫酒筒茶  
竈隨意泊煙蘿 心知三兩客朝朝暮暮百徧相過且  
醉醒任量雅謔狂歌風雨不妨閉戶凭欄處嫩蕊柔柯

沉吟久才情標格千載憶東坡

前調

寒食

周世臣

燕子銜泥子規啼血垂楊隔岸煙晴曉風狂舞吹徧杏  
花零乍暖乍寒時節芳堤上踏草尋青秦樓內珠簾半  
捲鴈柱兩三聲閉門看驟雨金鞭玉勒未過旗亭正  
籬屏織錦春水盈盈問道今朝寒食桐陰下無數飛英  
行人望天涯路杳何處是歸程

前調

和少游  
送別

陳子龍

紫燕翻風青梅帶雨共尋芳草啼痕明知此會不得久  
殷勤約略別離時候綠楊外多少銷魂纔提起淚盈紅  
袖未說兩三分紛紛從去後瘦消玉鏡寬損羅裙念  
飄零何處煙水相聞欲夢故人憔悴依稀只隔楚山雲  
無過是怨花傷柳一樣怕黃昏

前調

歲暮過西  
村王叔遠

沈麝

歲暮偷閒殘冬訪道隔溪扶過危橋癡情嬾骨傲俗自  
逍遙邨北邨南景况完鄉社鄰父招邀真閒甚開門汲

水淺灌美人蕉 客來山犬吠不通名姓直入書巢笑  
吟吟握手木榻相勞綠淨幽光牕几知交者野牧漁樵  
無今古清談一席爾我共蕭騷

前調

落花

沈麋

春老園林雨餘庭院偏惹蝶駭鶯猜薦紅皺白狼藉滿  
蒼苔正是愁腸欲斷珠箔外點點飄來分明似身輕飛  
燕扶下碧雲臺 當初珍重意金錢競買玉砌新栽更  
翠屏遮護疊鼓催開誰道天機繡錦都化作紫陌塵埃



紗牕裏有人憐惜無語托香腮

前調

秋懷

明媛

韓智珩

勁葦傳霜殘荷貌雨白雲隨處安排文心兵氣入夢總  
成灰玉翦翻風燕子還消得幾徧徘徊空惆悵五陵狂  
客殘病帶秋來風篴如碎鐵山嬌樹綺池絢霞裁更  
北牕深處蕉影容堆叢桂愁關異代誰招隱花落花開  
孤吟罷一雙藕履常遶碧闌迴

前調

明媛

錢氏

古樹陰濃新篁翠淺乍陰過雨俄晴方塘對岼留得小  
紅英消受茶芽蕨筍絲几淨雲母輕明薰風至釣絲搖  
曳無處立蜻蜓喜灌園君志辟鱸吾職兩意相并把  
當前小景直擬蓬瀛怎便芳塵盡謝長無事心境雙清  
家園好藕花如錦波面想盈盈

前調

七夕

明媛

沈宜修

玉樹香浮金波彩泛細風輕送雲行橋邊烏鵲千古說  
多情何事歡娛易散空悵望玉鏡銀屏堪憐處年年芳

草青黛鎖秋橫 盈盈增悵望更更漏點處處雞聲看  
疎星漸曉珠露飛英腸斷鮫綃帊上休回首枉自魂驚  
還須問長河渺渺流向幾時平

前調

明媛  
陳 娶

湛碧池塘空青戶院清霜又已深秋遶籬香韻黃菊伴  
人幽怪是重陽佳節凭闌處吹帽風稠思前古淵明此  
際淡漠幾曾愁 江山無異感悲深語澀志壯身柔惟  
圖書經卷風社新修憶昔雲鬢藕服菱鏡裏未展眉頭

時暮矣數聲哀鴈葉落滿沙洲

前調

又一體

無名氏

風急霜濃天低雲澹過來孤鴈聲切鴈兒且住略聽自家說你為離羣到此我共箇人人才別松江畔黃蘆叢裏天更待飛雪聲聲腸欲斷和我也點點珠成血這一江流水流也嗚咽告你高飛遠舉前程事永無磨折休煩惱飄零散聚終有見時節

燭影搖紅

欽定四庫全書

御選歷代詩餘

又一體雙調九十六  
字一名玉珥度金環

燭影搖紅

周邦彥

香臉輕勻黛眉巧畫宮妝淺風流天付與精神全在嬌  
波轉早是縈心可慣更那堪頻頻顧盼幾回得見見了  
還休爭如不見 燭影搖紅夜闌飲散春宵短當時誰  
解唱陽關離恨天涯遠無奈雲收雨散凭欄干東風淚  
眼海棠開後燕子來時黃昏庭院

前調

安陸浮  
雲樓

廖世美

靄靄春空畫樓森聳陵雲渚紫薇登覽最關情絕妙誇  
能賦惆悵相思遲暮記當日朱闌共語塞鴻難問岝柳  
何窮別愁紛絮催促年光舊來流水知何處斷腸何  
必更殘陽極目傷平楚晚霽波聲帶雨悄無人舟橫野  
渡數峰江上芳草天涯參差煙樹

前調

深春

趙長卿

梅雪飄香杏花開豔燃春晝銅駝煙澹曉風輕搖曳青  
青柳海燕歸來未久向雕梁初成對偶日長人困綠水

池塘清明時候 簾幙低垂麝煤煙噴黃金獸天涯人  
去杳無憑不念東陽瘦眉上新愁壓舊要消遣除非殢  
酒酒醒人靜月滿南樓相思還又

前調

上元有懷

張掄

雙闕中天鳳樓十二春寒淺去年元夜奉宸遊曾侍瑤  
池宴玉殿珠簾晝捲擁羣仙蓬壺閬苑五雲深處萬燭  
光中揭天絲管 馳隙流年恍如一瞬星霜換今宵誰  
伴泣青衫回首長安遠可是塵緣未斷漫惆悵華胥夢

短滿懷幽恨數點寒燈幾聲歸鴈

前調

元夕

吳億

樓雪初消麗譙吹罷蘆笳晚使君千炬起班春歌吹香  
風暖十里珠簾盡捲人正在蓬壺閭苑賣薪買酒立馬  
傳觴昇平重見誰識黿頭去年曾侍傳柑宴至今衣  
袖帶天香行處氤氲滿已是春宵苦短更莫遣歡遊意  
嬾細聽歸路壁月光中玉簫聲遠

前調

燈夕玉照堂  
梅花正開

張鉉



宿雨初乾舞梢煙瘦金絲裊嫩雲扶日做新晴舊碧尋  
芳草幽徑蘭芽尚小怪今年春歸太早柳塘花院萬朵  
紅蓮一宵開了梅雪翻空忍教空對東風老粉團香  
障擁詩仙戰退春寒峭現樂歌彈鬧曉宴親賓團樂同  
笑醉歸時候月過珠樓參橫蓬島

前調

盱江  
有懷

趙善扛

桃李牆頭向人却似他年意舞絲千丈颺晴光駘蕩春  
無際花氣薰然自醉傍垂楊行行緩轡倦遊無奈回首

雲山歸期猶未 玉鎖樓空鳥啼花外東風起少年恩  
怨付波流臨望朱闌倚冉冉塵生客袂對尊前高情暫  
寄洞天一笑仙馭乘空姑峰凝翠

前調

高觀國

別浦潮平遠邨帆落煙江冷征鴻相喚著行飛不耐霜  
風緊雪意垂垂未定正慘慘雲橫踈影酒醒情緒日晚  
登臨淒涼誰問 行樂京華軟紅不斷香塵噴試將心  
事卜歸期終是無憑準寥落年華將盡誤玉人高樓凝

恨第一休負西子湖邊江梅春信

前調

立春日東  
高內翰

方岳

輦路融晴宮雲逗曉青旂報梅邊香沁綵仗寒初信花  
風到笑語誰家簾幙鏤冰絲紅紛綠鬧髻橫玉燕鬢顫  
瓊幡不知能掉看見春來麴塵微漲催蘭榷嬌黃拂  
掠上柔條等得鶯眠覺引出千花萬草喜攬先椒盤竹  
爆問誰天上瑤帖初供玉堂歸倬

前調

壽嗣  
榮王

吳文英

天桂飛香御花簇座千秋宴笑從王母摘仙桃瓊醴雙  
金盞掌上龍珠照眼映羅圖星暉海爛浮槎遠到水淺  
蓬萊秋明河漢寶月將弦晚鉤斜挂西簾捲未須十  
日便中秋爭看清光滿淨洗紅塵障面賀朝霖催班正  
殿喜回天上紫府開筵瑤池宣勸

前調

賦得清縣  
圖古紅梅

吳文英

莓鎖虹梁稽山祠下當時見橫斜無分照溪光蛛網空  
凝徧姑射青春對面駕飛蚪羅浮路遠千年春在新月

苔池黃昏山館 花滿河陽為君羞褪晨妝倩雲根直  
下是銀河客老秋槎變雨外紅鉛洗斷又晴霞驚飛暮  
管倚闌只怕弄水鱗生乘東風便

前調

元夕  
微雨

吳文英

碧澹山姿暮寒愁沁歌眉淺障泥南陌潤輕酥燈火深  
深院入夜笙歌漸暖綵旗翻宜男舞徧恣遊不怕素韞  
塵生行裙紅濺 銀燭籠紗翠屏不照殘梅怨洗妝清  
靨濕春風宜帶啼痕看楚夢留情未散素蛾愁天長信

遠曉牕移枕酒困香殘春陰簾捲

前調

越上霖雨應禱

吳文英

秋入燈花夜深簷影琵琶語越娥青鏡洗紅埃山鬪秦  
眉嫵相間金茸翠畝認城陰春耕舊處晚春相應新稻  
炊香踈煙林莽清磬風前海沉宿裊芙蓉炷阿香秋  
夢起嬌啼玉女傳幽素人駕海槎未渡試梧桐聊分宴  
俎採菱別調留取蓬萊霎時雲住

前調

吳文英

飛蓋西園晚秋恰勝春天氣霜花開盡錦屏空紅葉新  
裝綴時放清杯泛水暗淒涼東風舊事夜吟不就松影  
闌干月籠寒翠莫唱陽關但憑綵袖歌千歲秋星入  
夢隔明朝十載吳宮會一棹回潮渡葦正西牕燈花報  
喜柳蠻櫻素試酒爭憐不教不醉

前調

荷塘生日留  
京賦以寄意

吳文英

西子西湖賦情會載鴟夷棹斷橋直去是孤山應為梅  
花到幾度吟昏醉曉背東風偷閒鬪草亂鴉啼後解珮

歸來春懷多少 千里嬋娟茂陵今夜同清照櫻脂茸  
唾聽吟詩爭似還家好昵昵西牕語笑鳳雲深瓊簫縹  
緲願春如舊柳帶同心花枝壓帽

前調

張炎

舟橫鷗波訪鄰尋里愁都散老來猶是柳風流先露看  
花眼閒把花枝細揀笑盈盈和香待翦也應回首紫曲  
門荒當年遊慣 簫鼓黃昏動人心處情無限錦街不  
甚月明多早已驕塵滿纔過風柔夜暖漸迤邐芳程遞



趙向西湖去那里人家依然鶯燕

前調

隔牕  
聞歌

張炎

園苑深沉趁香隨粉都行徧隔牕花氣暖扶春只許鶯  
鶯占燭燄晴烘醉臉想東鄰偷窺笑眼欲尋無處暗拍  
新聲銀屏斜掩一片雲閒那知顧曲周郎怨看花猶  
自未分明畢竟何時見已信仙緣較淺漫凝思風簾倒  
捲出門一笑月落江橫數峰天遠

前調

牡丹

孫惟信

一朵鞋紅寶釵壓髻東風溜年時也是牡丹時相見花  
邊酒初試夾紗半袖與花枝盈盈鬪秀對花臨景為景  
牽情因花感舊題葉無憑曲溝流水空回首夢雲不  
到小山屏真箇歡難偶別後知他安否軟紅街清明還  
又絮飛春盡天遠書沉日長人瘦

前調

無名氏

點點飛香見梅知道春心透怕寒不捲玉樓簾羞與花  
同瘦手撚青枝頻顛諂冷落薔薇金斗翻驚綠鬢不似

芳姿年年依舊 纔破凝酥滿園桃李看看又江南幽  
夢了無痕啼暈殘襟袖鴛被有誰溫繡怎敢更十分殢  
酒伴君獨自幾箇黃昏月明時候

前調

宋媛  
孫氏

乳燕穿簾亂鶯啼樹清明近隔簾時度柳花飛猶覺寒  
成陣長記眉峰偷隱臉桃紅猶藏酒暈背人微笑半鞦韆  
鸞釵輕籠蟬鬢 別久啼多眼應不似當時俊滿園珠  
翠逗春嬌沒箇他風韻若見賓鴻試問待相將綵箋寄

恨幾時得見鬪草歸來雙鴛微潤

前調

脩舒  
信道

湘江妓

綠淨湖光淺寒先到芙蓉島謝池幽夢屬才郎幾度生  
春草塵世多情易老更那堪秋風嫋嫋晚來羞對香芷  
汀洲枯荷池沼恨鎖橫波遠山淺黛無心埽湘江人  
去歎無依此意從誰表喜趁良宵月皎況難逢人間兩  
好莫辭沉醉醉入屏山吳歌天曉

前調

袁易

日日春陰瑞香亭畔寒成陣鳳鞦頻誤踏青期寂寞牆  
陰冷翠被堆牀未整睡初酣風篴喚醒幾多心緒鵲語  
難憑燈花無準得酒澆愁舊愁不去添新病吳綾題  
滿斷腸詞歌罷何人聽寶篆香消晝永裊餘煙蕭蕭鬢  
影出門長嘯白露雙飛清江千頃

天香

人一體雙調  
九十六字

天香

賀鑄

煙絡橫林山沉遠照灑迤黃昏鐘鼓燭映簾櫳蛩催機  
杼共惹清秋風露不眠思婦齊應和幾聲砧杵驚動天  
涯倦客駸駸歲華行暮當年酒狂自負謂東君以春  
相付流浪征驂北道客檣南浦幽恨無人晤語賴明月  
曾知舊遊處好伴雲來還將夢去

前調

吳文英

蟬葉黏霜蠅苞綴凍生香遠帶風峭嶺上寒多溪頭月  
冷北枝瘦南枝小玉奴有姊先占立牆陰春早初試宮

黃澹薄偷分壽陽纖巧 銀燭淚深未曉酒鍾慳貯愁  
多少記得短亭歸馬暮衙蜂鬧豆蔻釵梁恨裊但悵望  
天涯歲華老遠信難封吳雲鴈杳

前調

龍涎香

吳文英

珠絡玲瓏羅囊閒鬪酥懷暖麝相倚百和花鬚十分風  
韻半襲鳳箱重綺茜帷四角慵未結流蘇春睡熏度紅  
薇院落煙銷畫屏沉水 溫泉絳綃乍試露華侵透肌  
蘭泚漫省淺溪月夜暗浮花氣荀令如今老矣但未識

韓郎舊風味遠寄相思餘醺夢裏

前調

龍涎香

周密

碧腦浮冰紅薇染露驪宮玉唾誰搗麝月雙心鳳雲百  
和寶釧珮環爭巧濃熏淺炷疑醉度千花春曉金餅著  
衣餘潤銀葉透簾微裊素被瓊篝夜悄酒初醒翠屏  
深窈一縷舊情空趁斷煙飛繞羅袖餘馨漸少悵朱閣  
淒涼夢難到誰念韓郎清愁漸老

前調

龍涎香

王沂孫

欽定四庫全書

御選歷代詩餘

卷六十一

五



孤嶠蟠烟層濤蛻月驪宮夜採鉛水訊遠槎風夢深薇  
露化作斷魂心字紅蕸候火還乍識冰環玉指一縷紫  
簾翠影依稀海天雲氣幾回殢嬌半醉翦春燈夜寒  
花碎更好故溪飛雪小牕深閉荀令如今顚顚總忘却  
尊前舊風味漫惜餘熏空篝素被

前調

龍涎香

李彭老

搗麝成塵熏薇注露風酣百和花氣品重雲頭葉翻蕉  
樣共說內家新製波浮海沫誰喚覺鮫人春睡清潤俱

饒片腦芬馥半是沉水 相逢酒邊雨外火初溫翠爐  
煙細不似寶珠金縷領巾紅墜荀令如今顚顚消未盡  
當時愛香意燼煖燈寒秋聲素被

前調

龍涎香

王易簡

煙嶠收痕雲沙擁沫孤槎萬里春聚蟻杵冰塵水研花  
片帶得海山風露纖痕透曉銀鏤小初浮一縷重翦紗  
牕暗燭深垂繡簾微雨 餘馨惱人最苦染羅衣少年  
情緒謾省珮珠曾解蕙羞蘭妒好是芳釵翠嫵恨素被

欽定四庫全書

御選歷代詩餘

天

濃熏夢無據待翦秋雲殷勤寄與

前調

龍涎香

馮應瑞

枯石流痕殘沙擁沫驪宮夜蟄驚起海市收時鮫人分  
處誤入衆芳叢裏春霖未就都化作淒涼雲氣惟有清  
寒一點消磨小牕殘醉 當年翠篝素被拂餘熏倦懷  
如水謾惜舞紅猶在為誰重試幾片金昏字古向故篋  
聊將伴憔悴斷續風流柔情縷縷

前調

龍涎香

唐藝孫

螺甲磨星犀枝杵月蕤英嫩壓拖水海蜃樓高仙娥鈿  
小縹緲結成心字麝煤候暖載一朵輕雲不起銀葉初  
生薄暈金猊旋翻纖指芳林惱人漸醉碾微馨鳳團  
閒試滿架舞紅都換嬾收珠珮幾片菱花鏡裏更摘索  
雙環伴秋睡早是新涼重熏翠被

前調

龍涎香

呂同老

冰片鎔肌水沉換骨蜿蜒夢斷瀛島翦碎腥雲杵勻枯  
沫妙手製成翻巧金篝候火無似有微熏初好簾影垂

風不動屏深護春宜小  
殘梅舞紅褪了珮珠寒滿懷  
清峭幾度酒餘重省舊愁多少  
荀令風流未減怎奈向  
飄零賦情老待寄相思仙山路杳

前調

龍涎香

無名氏

瀛嶠浮煙滄波挂月潛虬睡起清曉  
萬里槎程一番花  
信付與露薇冰腦纖雲漸暖凝翠  
席氤氲不了銀葉重  
調火活珠簾自垂風悄  
螺屏酒醒夢好繡羅幃依舊  
痕少幾度試拈心字暗驚芳抱  
隱約仙洲路杳謾珮影

玲瓏護嬌小素手金篝春情未老

前調

又一體

景 覃

市遠人稀林深犬吠山連水邨幽寂田里安閒東鄰西  
舍準擬醉時歡適社祈雩禱有簫鼓喧天吹擊宿雨新  
晴隴頭閒看露桑風麥無端晴亭暮驛恨連年此時  
行役何似臨流蕭散緩衣輕幘炊黍烹雞自勞有脆綠  
甘紅薦芳液夢裏春泉槽牀夜滴

前調

景 覃

百歲中分流年過半塵勞繫人無盡桑柘周圍菅茅低  
架且喜水親山近倦飛高鳥算也有閒枝棲穩紙帳紬  
衾日高睡起嬾梳蓬鬢閒堦土花碧潤緩芒屨恐傷  
蝸蚓倒掩衡門空解草玄誰信俗駕輕雲易散賴獨有  
蓬峰破孤悶世事悠悠從教莫問

選歷代詩餘卷六十一